

2017-imi innuttaasut ilinniagaqarnerisa nalunaarsuutaat

2018-imi novembarini kisitsisitigut paasissutissani naqqiisoqarnera pissutigalugu saqqummersitaq nutarterneqarpoq.


Kisitsisitigut paasissutissat atorlugit innuttaasut ilinniagaqarsimanerisa qaffasissusaat qanorlu ilinniagaqartarneri malinnaaffigineqarsinnaalerput. Innuttaasut ilinniagaqarsimassusaanni allannguutit qanoq amerlatigisut piginnaasaqalersitsisunik ilinniakkanik naammassinnittarnerannik kisimi takutitsinngilaq, Kalaallili Nunaannut aammalu Kalaallit Nunaanniit nuuttartut akornanni ilinniagaqarsimassutsip sunniisarneranik aamma takutitsivoq. Innuttaasullu ilinniarsimanerisa qaffasissusaat aamma toqusimasut akornanni ilinniagaqarsimassutsimit sunnerneqartarpoq. Ilinniagaqarsimanerup qaffasissusaanut nalunaarsuutit nalinginnaasumik innuttaasunut inuusunnerusut matussusiinerusarput. Ilinniagaqarsimanerup qaffasissusaani qaffariaatit ilai ilinniakkanik naammassinnissimasunut nalunaarsuutit atorneqartut amerlanerulernerannik peqquteqarsinnaapput (saqqummersitap naanerani periaatsimut immikkoortoq takuuk).

Ilinniakkat meeqqat atuarfiannit qaffasinnerusut

Innuttaasut ilinniagaqarsimanerisa qaffasissusaani ineriartorneq suli pitsaasumik ingerlavoq. 2017-imi innuttaasut 16-74-inik ukiullit akornanni 39,5 procentii meeqqat atuarfianniit qaffasinnerusumik ilinniagaqarsimapput, tamanna ukiut qulit ingerlanerini 8,9 procentpointinik qaffariarneruvoq.

Taakkunanga 12 procentii ingerlariaqqiffiusumik ilinniagaqarsimapput, 27,6 procentiilu ilinniarnertuunngorniarnermik, inuusutissarsiornermik ilinniarnermik imaluunniit angusanik qaffassaanermik naammassinnissimapput. Ukiut qulit ingerlanerini qaffariaataat 2,9 aamma 6,1 procentpointiullutik.

Titartagaq 1. 2007-imiit 2017-imut innuttaasut qaffasinnerpaamik ilinniakkat naammassisimasaat



Nalunaarut: Ilinniarnertuunngorniarnernut angusanik qaffassaanerit ilanngunneqarput.


Najoqqutaq: Naatsorsueqqissaartarfik – kisitsisaataasivimmi kisitsisit takukkit (<http://bank.stat.gl/UDDISCPROD>).

Arnat akornanni ilinniarsimassuseq qaffasinnerusoq

Meeqqat atuarfianniit qaffasinnerusumik ilinniagaqarsimasut amerlanersaat arnaapput. 2017-imi arnat 42,6 procentii inuusuttunut ilinniarfimmik imaluunniit ingerlariaqqiffiusumik ilinniakkamik ilinniagaqarsimapput, angutinullu kisitsit 36,8 procentiulluni.

Assigiinnngissut ingerlariaqqiffiusumik ilinniakkaniippoq. 2017-imi arnat 14,9 procentii, angutit 9,4 procentiinut naleqqiullugit, ingerlariaqqiffiusumik ilinniagaqarsimapput. Pingaartumik arnat ingerlariaqqiffiusumik ilinniagallit amerlassusaat ukiuni kingullerni qulini qaffariarsimavoq. Ingerlariaqqiffiusumillu ilinniarsimanerni qaffariaat professionsbacheloritut ilinniakkani pisimavoq.

Titartagaq 2. Innuttaasut (16-74-inik ukiullit) meeqqat atuarfianniit qaffasinnerusumik ilinniagaqarsimasut amerlassusaat, suaiaassuseq ukiorlu malillugit




Nalunaarut: Inuusuttunut ilinniakkani ilinniarneruunngorniarnert, inuusutissarsionermik ilinniarnerit aammalu angusanik qaffassaanerit pineqarput.

Najoqqutaq: Naatsorsueqqissaartarfik – kisitsisaataasivimmi kisitsisit takukkit (<http://bank.stat.gl/UDDISCPROG>).

35-nit 39-nut ukiullit akornanni ilinniagaqarsimassuseq qaffasinnerusoq

2017-imi 20-24-nik ukiullit 30 procentingajai meeqqat atuarfianniit qaffasinnerusumik ilinniagaqarsimapput. Ilinniagaqarsimasullu amerlassusaat 35-39-nik ukiullit tungaannut qaffakkiartorpoq, tassanilu 58,4 procentiulluni qaffasinnerpaavoq. Innuttaasut utoqqaanerusut akornanni ilinniagaqarsimassutsip qaffasissusaa appariaqqippoq. Ilinniagaqarsimassutsilli qaffasissusaanut nalunaarsuutit innuttaasunut inuusunnerusunut nalinginnaasumik matussusiinerupput.

Titartagaq 3. 2017-imi Innuttaasut (16-74-inik ukiullit) qaffasinnerpaamik ilinniagarisimasaat, ukiui malillugit



Nalunaarut: Inuusuttunut ilinniakkani ilinniarneruunngorniarnert, inuusutissarsionermik ilinniarnerit aammalu angusanik qaffassaanerit pineqarput.


Najoqqutaq: Naatsorsueqqissaartarfik – kisitsisaataasivimmi kisitsisit takukkit (<http://bank.stat.gl/UDDISCPROG>).

Ilinniagaqarsimanerup qaffasissusaa immikkoortortaqarfiit malillugit

Ilinniagaqarsimassuseq Nuummi qaffasinnerpaavoq, tassani innuttaasut 54,9 procentii, nuna tamakkerlugu agguaqatigiissitsinermut 39,5 procentinut naleqqiullugit, meeqqat atuarfianniit qaffasinnerusumik ilinniagaqarsimapput. Tulliupput immikkoortortaqarfiit Qaqortoq aamma Sisimiut, 42,9 aamma 39,8 procentimiillutik taamaasillutillu nuna tamakkerlugu agguaqatigiissitsinermut qaffasinnerusumik inissisimasut.

2017-imi immikkoortortaqarfinni Upernavimmi Kangaatsiamilu ilinniagaqarsimassuseq appasinnerpaavoq, tassani innuttaasut 16,1 procentii aammalu 19 procentii meeqqat atuarfianniit qaffasinnerusumik ilinniagaqarsimammata. Immikkoortortaqarfinnilu Uummannami, Qaanaami Tunumilu innuttaasut meeqqat atuarfianniit qaffasinnerusumik ilinniagaqarsimasut amerlassusaat sisamararterutaannit appasinnerupput.

Titartagaq 4. 2017-imi innuttaasut (16-74-inik ukiullit) qaffasinnerpaamik ilinniagarisimasaasa qaffasissusaat, immikkoortortaqarfiit malillugit



Nalunaarut: Inuusuttunut ilinniakkani ilinniarnertuunngorniarnert, inuusutissarsionermik ilinniarnert aammalu angusanik qaffassaanerit pineqarput.

Najoqqutaq: Naatsorsueqqissaartarfik – kisitsisaataasivimmi kisitsisit takukkit (<http://bank.stat.gl/UDDISCPROE>).

Eqikkaaneq

Tabel 1. Innuttaasut (16-74-inik ukiullit) qaffasinnerpaamik ilinniakkamik naammassinnissimanerat

	2002	2005	2008	2011	2014	2017
Meeqqat atuarfiat	28.781	28.507	28.352	28.006	26.860	25.369
Ilinniarnertuunngorniarneq	1.004	1.071	1.177	1.514	1.876	2.134
Inuussutissarsionermik ilinniarneq ..	6.995	7.449	7.678	8.191	8.598	9.072
Angusanik qaffassaanerit	31	87	151	188	254	350
Ingerlariaqqiffiusumik ilinniakkat naatsut	733	841	854	939	957	1.077
Bachelorinnngorniarneq	84	129	142	192	233	262
Professionsbachelorinnngorniarneq ..	1.859	2.016	1.999	2.276	2.334	2.503
Kandidatinngorniarneq	657	748	796	915	980	1.125
Phd.	20	20	28	32	37	47

Najoqqutaq: Naatsorsueqjissaartarfik – kisitsisaataasivimmi kisitsisit takukkit (<http://bank.stat.gl/UDDISCPROD>).

Periaaseq

Siunertaq

Kisitsisitigut paasissutissat atorlugit innuttaasut ilinniagaqarsimanerisa qaffasissusaat qanorlu ilinniagaqartarneri malinnaaffigineqarsinnaalerput. Innuttaasut ilinniagaqarsimassusaanni allannguutit qanoq amerlatigisut piginnaasaqalersitsisunik ilinniakkanik naammassinnittarnerannik kisimi takutitsinngilaq, Kalaallili Nunaannut aammalu Kalaallit Nunaanniit nuuttartut akornanni ilinniagaqarsimassutsip sunniisarneranik aamma takutitsivoq. Innuttaasullu ilinniarsimanerisa qaffasissusaat aamma toqusimasut akornanni ilinniagaqarsimassutsimit sunnerneqartarpoq.

2018-imi kisitsisitigut paasissutissat allanngorput, innuttaasut 16-74-inik ukiullit kisimik tabelini kisinneqarmata. Innuttaasullu ilinniagaqarsimassusaat nunanut tamalaanut sanilliunnissaa ajornanninnerulerpoq. Taassumalu saniatigut ilinniagaqarnersiuteqartitsiviup ilinniartunut nalunaarsuisarfimmit Kalaallit Nunaanni ilinniaqqittunut aammalu politiinnngornianut inissiisarfirmilu paarsisunngornianut nalunaarsuutit nutaat ilanngunneqarput.

2018-mi novembarimi naqqiineq

2018-imi novembarimi kisitsisitigut paasissutissani naqqiisoqarpoq. Piffissami 2002-miit 2006-imut Danmarks Statistik-imit nalunaarsuutit kukkuneqarsimammata nalunaarsuutit nutaat tiguneqarmata. Taamatullu Danmarks Statistik-imi Kalaallit Nunaanni ilinniarfiit ISCED2011-i malillugu kukkusumik immikkoortiterneqarsimammata. Kukkusumik immikkoortiterineq qaffasinnerpaamik ilinniakkanik naammassinnissimasuni kisitsinermi pisimavoq, ilinniagaqarsimassutsillu qaffasippallaarneranik kinguneqarsimalluni. Naqqiineq 2017-imi innuttaasut meeqqat atuarfianniit

qaffasinnerusumik ilinniarsimasut amerlassusiisa 122-nik, 0,3 procentinik annertussuseqartumik, ikilinerannik malitseqarpoq.

Nalunaarsuutit tunngaviusut

Kisitsisitigut paasissutissani nalunaarsuutit tunngavigineqartut tassaapput:

- Ilinniagaqarnersiuteqartitsiviup (USF) nalunaarsuisarfiani ilinniakkanik naammassinnissimasut nalunaarsuutaat.
- Danmarks Statistik-ip nalunaarsuisarfiani qallunaat ilinniarfiini qaffasinnerpaamik ilinniakkamik naammassinnissimanerit nalunaarsuutaat.
- 2017-imi politiinngorniarmimmi Nuummiittumi politiitut ilinniarsimasut nalunaarsuutaat.
- 2016-imiit qummut Nuummi inissiisarfimmi paarsisutut ilinniarsimasut nalunaarsuutaat.
- 2010 tungaanut Kalaallit Nunaanni ilinniakkanut nalunaarsuutit, USF-i avaqqullugu Naatsorsueqqissaartarfimmit aaneqartut.

Ilinniagaqarnersiuteqartitsiviup (USF) ilinniartunut nalunaarsuisarfiani ilinniakkat ilinniagaqarnersiuteqarfiusinnaasut kisimik nalunaarsuuteqarput, taamatullu Kalaallit Nunaanni ilinniarfinni ilinniaqqittut 2014-imi aatsaat paasissutissaqalerlutik.

Ukiut tamaasa Naatsorsueqqissaartarfik Danmarks Statistik-imit qallunaat ilinniarfiini innuttaasut qaffasinnerpaamik ilinniagarisimasaannut nalunaarsuutiniq pisarpoq. Nalunaarsuutiniq malittarisassaq ISCED2011 atornerpoq. Ilinniakkat naammassineqarsimasut Danmarks Statistik-ip ukiut tamaasa oktobarip aallaqqaataani naatsorsortarpai.

Kalaallit Nunaanni ilisimatuunngorniarnert, qallunaat naalagaaffiata Kalaallit Nunaanni ilinniakkat ingerlatai (politiinngorniarneq inissiisarfimmilu paarsisunngorniarneq) aammalu suliffeqarfiit namminneq ilinniakkat neqeroorutaat USF-ip ilinniartunut nalunaarsuisarfiani ilaangillat. 2018-imi naatsorsuinermi 2016-imiit qummut inissiisarfimmi paarsisutut ilinniarsimasut aamma 2017-imiit qummut politiitut ilinniarsimasut nalunaarsuutaat katersorneqarlutik nalunaarsuutini tunngaviusumi ilanngunneqarput.

Siornatigut Naatsorsueqqissaartarfik Kalaallit Nunanni ilinniakkanut “Non-USF”-iusumik nalunaarsuisarfimmut nalunaarutiniq suliffeqarfinnit pisarpoq. Nalunaarsuisarfik tamakkiisuunngilaq, 2010-lli tungaanut nalunaarsuutiniq imaqarpoq innuttaasut ilinniagaqarsimassusaannut kisitsisitigut paasissutissani ilanngunneqartunik. Ilinniakkat pineqartut massakkullu ilinniakkat akornanni ilaangitsut tassaapput Air Greenlandimi timmisartumi saqisunngorniarneq assartugalerisunngorniarneq aammalu Mittarfeqarfinni AFIS-operatøringorniarneq isumannaallisaanermilu sulisunngorniarneq. AFIS-operatøritullu ilinniarneq kisimi Ilinniartitaanermut Naalakkersuisoqarfimmit akuerisaavoq.

Periaaseq

Ilinniartunut nalunaarsuisarfimmi nalunaarsuutit ukiut tamaasa ukiunut pingasunut kingumut uterlugu ilinniakkamillu naammassinniffik ulloq malillugu aaqqissuuteqqinneqartarput. Tamanna siunissami ilinniartitaanermut kisitsisitigut paasissutissat saqqummersinneqartartut assigiissaarnerulernissaat anguniarlugu kingusinaartumillu nalunaarsuinerni allanguinerit eqqarsaatigalugit, pisarpoq.

Ilinniagaqarsimanermut paasissutissat Kalaallillu Nunaanni inunnut nalunaarsuisarfiup ataatsimut ingerlatinnerini Naatsorsueqqissaartarfimmi innuttaasut ilinniagaqarsimassusaat suliarineqarsinnaalerpoq. Innuttaasunut nalunaarsuisarfik ukiup tulliani januaarip aallaqqaataani naatsorsorneqartarpoq, innuttaasullu qaffasinnerpaamik ilinniakkat naammassisimasaat oktobarip aallaqqaataani naatsorsorneqartarlutik.

Innuttaasut minnerpaamik 16-inik ukiullit tamarmik, Naatsorsueqqissaartarfik ilinniagaqarsimanermut paasissutissanik peqanngippat, meeqqat atuarfianni 10.klassimik naammassinnissimasutut naatsorsuutigineqarput.

Ilinniakkat qaffasissusaat International Standard Classification of Education 2011-meersoq malillugu immikkoortiterneqarput. Naatsorsueqqissaartarfiup ilinniartitaanerup iluani taaguutit pillugit saqqummersinnikuusaani ilinniakkami pineqartumi imaluunniit ISCED-i malillugu immikkoortiterinnermi ilinniakkat suut pineqarnersut takuneqarsinnaapput. Taassuma saniatigut Naatsorsueqqissaartarfik Kalaallit Nunaanni ilinniakkat, ilinniakkap qaffasissusaa malillugu, immikkoortiternerat takussutissiaraa. Taaguutit takussutissiarlu www.stat.gl –imi Ilinniartitaanermut tunngasut ataanni nassaarineqarsinnaavoq. Saqqummersitami kingullerpaami Periaatsimut immikkoortoq takuuk.

Naatsorsuineq

Innuttaasut ilinniagaqarsimassusaannut kisitsisaataasivimmi tabelit ilinniakkap qaffasissusaanut, kommuninut, immikkoortortaqarfinnut, suaassutsinut aammalu ukiunut agguanneqarput. Taassumalu saniatigut najugaqarfinnut, ilinniagaqarfinnut aammalu inunngorfinnut immikkoortiterneqarlutik.

Killiliinerit erseqqissagassallu

USF-imi ilinniartunut nalunaarsuisarney 1980-ikkut aallartinneranni nalunaarsuutit atorlugit 1987-imi aallartippoq, ukiunili siuliini ilinniakkanik ataasiakkaanik aamma imaqarluni. Taamaattumik piginnaasaqalersitsisumik ilinniarsimasut 1970-ikkullu aallartinnerat sioqqullugu inunngorsimasut paasissutissaat naammattuaannangillat. Innuttaasullu utoqqaanerusut akoranni kisitsisit paasissutissat ikinaagaanerannik isumaqarpoq.

Taamatuttaaq nunani allani innuttaassusillit Kalaallillu Nunaanni/Danmarkimi ilinniagaqarsimanngitsut imaluunniit Danmarkimi najugaqarsimasut assersuutigalugulu ilinniakkaminnik Styrelsen for Forskning og Uddannelse-mi akueritissimasut

paasissutissaqarfigineqanngillat. 2017-imi innuttaasut 16-it 74-illu akornanni ukiullit 1,7 procentii nunani allani innuttaassuseqarput saniatigut Kalaallit Nunaanni inunngortuunatik ilinniagaqarsimassusaallu nalunaarsorsimanani.

Qulaani pineqartut malillugit kisitsisitigut paasissutissat missiliuunneqartariaqarput.

Signatur forklaring:

- ... Oplysninger foreligger ikke
- .. Oplysninger for usikre til at angives eller diskretionshensyn
- . Tal kan efter sagens natur ikke forekomme
- 0 Mindre end halvdelen af den anvendte enhed
- Nul
- * Foreløbigt eller anslået tal

Saaffiginiffissaq

Randi Mortensen

E-mail: rand@stat.gl

Naqqineq

Grønlands Statistik
Postboks 1025 · 3900 Nuuk
Tlf.: +299 34 57 70 · Fax: +299 34 57 90
www.stat.gl · e-mail: stat@stat.gl

